

PORNOGRAFIA. Internetez banatzen ziren irudiak

Haurren pornografian aritzen zen nazioarteko sare baten burua Iruñekoa da, ustez

Erredakzioa | **DONOSTIA**

Teknologia delitueta espezializatutako Espainiako Poliziak atzo jakinarazi zuenez, Iruñeko bizilagun bat da ustez haurren pornografian aritzen zen nazioarteko sarearen arduraduna.

Juan Cotino Espainiako poliziaren buruak atzo Las Palmas de Gran Canarian egin adierazpenen arabera, pornografia sare hori lau kontinenteetan barrena banatutako 54 operatzailek osatzen zuten. Mundu osoko —Afrikan izan ezik— 21 lurraldetan zehar zabaldutako pornografoen lana koordinatu eta zuzentzeaz arduratzen zen pertsona, berri, iruñearra dela aurreratu zuen atzo Juan Cotino polizien buruak.

Iruñeko gizaseme horrez gain beste zazpi lagun atxilotu ditu teknologia delitueta poliziak, ikerketa hasi zenetik gaur artekoan. Madril, Katalunia, eta Andaluzian atxilotu ditu lagun horiek guztiak Poli-

ziak. Hala ere, Cotinok adierazitakoaren arabera, ikerketak zabalik dirau oraindik, eta baliteke ondorengo egunetan atxiloteta gehiago izatea.

Haurren irudiak internet bidez banatzen zituzten

Adin txikikoen irudi pornografikoak internet sarearen bidez banatzen zituzten. Orain urtebete inguru hasi zuen ikerketa Espainiako poliziak, Internet aztertzeke egiten dituzten ohiko frogetan sare pornografiko bat bazelako susmoa hartu ostean.

Orduan hasitako ikerketan lortutako informazioa Interpolen esku utzi zuen ondoren Espainiako Poliziak. Bien arteko elkarlanari esker, beste lurraldeetan aritzen ziren hainbat lagun atxilotu ahal izan zituen Poliziak, Cotino polizia-buruaren arabera. Operazioaren nondik norakoen berri zehatzago gaur emango du Iruñean Poliziak.

EGURALDIA. Aralar gainean 15 zentimetroko lodiera hartu zuen elurrak



JESUS DIGES

Elurra itzuli da udaberrian

Euskal Herriko mendi gainak zuritu zituen atzo elurrak. Urte sasoi honetako irudia barik negu garaiko itxura zuen atzo, esate baterako, Aralar gainak. 15 zentimetroko lodiera hartu zuen elurrak Aralar inguruan. Hainbat eta hainbatek

mendira egin zuten urteko azken elurraldia izan daitekeenaz gozatu aldera. Aralarreko errepidean kateak beharrezkoak ziren atzo, eta elurra kentzeko makinek lanean jardun zuten goiz parte osoan.

IRUZURRA

Holandako florinen ordeiz Surianamekoekin ordaintzen ahailegindu izateagatik lagun bat atxilotu dute Gasteizen

Errumaniako 26 urteko gazte bat atxilotu zuen atzo Ertzaintzak Gasteizen, hotel batean Holandako florinen ordeiz Surianamekoekin ordaintzen saiatu izana leporatuta. Ertzaintzak jakinarazi zuenez, I.V.B. gaztea logela bat alokatzen saiatu zen, horren truke itxurazko florin holandarrak eskainiz. Iruzurra egin ostean, emaztea zain zuela esanez alde egin zuen atxilotuak. Ertzaintzak Gasteizko beste hotel batean atxilotu zuen iruzurgilea.

ABERE IRINAK

Añorgan ustez egindako errausketei buruz Donostiako udalak egin adierazpenak «arintzat» jo ditu Eguzkik

Añorgako Rezola porlan enpresan ustez erretako abere irinak direla-eta Maria Jose Usandizaga Donostiako Ingurumen kontseilariak egindako adierazpenak «arinak» eta «funtsik gabekoak» direla salatu zuen atzo Eguzkik. Usandizagak Añorgan zenbait proba egin direla aitortu arren, artean, abere irinik erre ez zela esan zuen. Horren harira, «Gipuzkoako hiltegieta agertutako behi eroketaren eta erabili gabe izan dituzten abere irinekin» zer egin duten galde egin zion Juan Mari Beldarrain Eguzki taldeko ordezkariak Usandizagari, atzo. Era berean, errausketa kaltegarri izan daitekeen ala ez aztertzeke eskatu zion talde ekologistak Donostiako Udalari; eta baita errausketa ez den beste irtenbideren baten inguruko gogoeta egitea ere.

DROGA

Euskal Herrian eta Galizian droga saltzen zuen organizazioa desegin du Espainiako Poliziak

Marokon eskuratutako haxixa Euskal Herrian eta Galizian saltzen zuen organizazioa desartikulatu zuen joan den asteartean Espainiako Poliziak. Guztira bost pertsona atxilotu zituzten: Bilboko senar-emazte batzuk, Hondarribian bizi zen Marokoko bikote bat, eta Santiagon bizi zen emakume daniar bat dira atxilotuak. Hamar kilo haxix ez ezik, anfetaminak, dirua eta beste zenbait gauza konfiskatu zituen operazioan Espainiako Poliziak.

ISTRIPUAK

Bi lagun larri zauritu dira euskal errepideetan izandako bi istriputan

Jose Maria G.G. 71 urteko gizona larri zauritu zen atzo Urantzian izandako istripuan. Ezbeharrak goizeko 10:30ean gertatu zen, N-111 errepidean. Sesmarako bidegurutzearan elkar jo zuten bi autok. Zauritua Lizarrako Garcia Orkoi ospitalera eraman zuten. Arratsaldean, beste istripu larri bat izan zen Zestoan. Lasarorako bidegurutzearan parean, aurrez aurre jo zuten furgoneta batek eta Renault Clio batek. M.E.A. 22 urteko azpeitiarrak, autoko gidariak, zauri larriak izan zituen. Arantzazuko ospitalera eraman zuten.

SUTEA

Emakume bat larri zauritu da, eibarren etxean piztu sute baten ondorioz

M.C.I.M. 55 urteko emakumea larri zauritu zen herenegun Eibarren, bere etxean piztutako sutearen ondorioz. Gorputzaren %85 erreta zuela eraman zuten emakumea Gurutzetako ospitalera. Sutea herenegun gaueko 22:15ak aldera piztu zen Txaltxa Zelai kaleko bigarren zenbakiko etxabea.

UNIBERTSITATEEN LEGEA

Lege berriak selektibitatea kentzea aurreikusten duela eta pozik agertu da Nafarroako Unibertsitate zuzendaria

Unibertsitatearen Erreformatarako Legeak selektibitatea kentzea aurreikusten duela eta, pozik agertu zen atzo Pedro Pejenaute Nafarroako Unibertsitate zuzendaria. «Selektibitateak ez du ikasle egoienak aukeratzeko balio, egun gehienek gainditzen dutelako, bate-tik, eta, bestetik, kalifikazioek zenbait ikasketetarako gaienak izan daitezkeen ikasleak kanpoan uzten dituelako», adierazi zuen Pejenautek. Lege proposamenaren aldaketa nabarmenenak gustuko dituela esan zuen Nafarroako Unibertsitate zuzendaria, «urteetako eskakizunei» erantzuten dietela argudiatuta.

ATXILOKETA

50 urteko gizon bat atxilotu du Ertzaintzak Lasarten 50 autotik gora kaltetu izana leporatuta

J.L.G.A. 50 urteko lasartearra atxilotu zuen atzo Ertzaintzak, herrian bertan 50 autotik gora kaltetu izana leporatuta. Apirilaren 7an Arranbide, San Frantzisko eta Bista-Eder kaleetan aparkatuta zeuden hainbat auto marratu eta hondatu arte kolpatu zituen, ustez.

HITZALDIA

NOIZ:

Apirilaren 23an, astelehena.

NON:

Elementaleko aretoan.

ORDUA:

Arratsaldeko 7etan.

HIZLARIA:

ARNALDO OTEGI.

Bergarako **EH**



Andoaingo Udala

IRAGARKIA

Jendaurrean aditzera ematen da, Andoaingo Osoko Udalbatzak, 2001eko martxoaren 29an egin zuen batzaraldian, Andoaingo Udala Hirigintza Planeamenduko Arau Subsidiarioen Testu Bategineko landaluz ez urbanizagarrietan kokaturik egon eta idorkiak erazteko ustiagarri izan litezkeen alderdietan harrobiak ustiatzeko lizentzi guztiak urte betez etenik uztea erabaki duela, iragarki hau Gipuzkoako Aldizkari Ofizialean argitaratu den egunaren biharamunetik aurrera kontaturik (2001-04.20).

Andoain, 2001eko apirilak 20.

ALKATEA.

Sin.: Jose Antonio Barandiaran Ezama.